



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Canonem Sacrificii Missae, Vti & reliquas eiusdem
Partes Brevis Ac Lvcvlenta, & ad pietatem vtilis Expositio**

Veken, Frans van der

Coloniae, 1644

§ 3. Suplices te rogamus, Omnipotens Deus, &c.

urn:nbn:de:hbz:466:1-9878

S. III.

*Supplices te rogamus, Omnipotens
Deus, &c.*

HAUD à veritate abluserit, qui ad aram, quando sacrificatur, obiecerit animo mysticam Iacobi scalam, quæ cœlum terræ, diuinaq; humanis coniungat, & Angelorum, nunc ad Regi suo inferuiendum descendentium in terram, nunc in cœlum, ad vota hominum deferenda adscendentium, viam non tam faciat, quam designet. Quo pacto sub Sacrificij tempus aescendant, vidimus cap. 4. §. 1. in præsenti oratione eorum adscensum imploramus. Cumq; aulicis iniussu Regis, cui honoris, seruitijq; causâ assistunt, abire non permisum: rogamus Deum, atque una Christum, ut adscensum illis mandet; quo Sacrificia & vota hîc à nobis oblata, ad sublimius cœlorum altare exhibeant. Sed quodnam, inquies, hoc

An-

Angelorum officium? quod illud sublime altare? quis sanctus iste & singularis Angelus, qui præ alijs huic ministerio præest?

Quod spectat ad primum: pinguori Mineruâ id conciperet, qui existimaret, aut Christi Corpus & Sanguinem reipsâ ab Angelis deferri in cœlum, aut non aliter ad Deum peruenire Sacrificia nostra & vota, quām Angelis qualemque tandem officium circa ea præstantibus. Beatos illos Spiritus preces nostras, Sacrificiaq; perferrere in cœlum, (quod ab illis fieri, in Scripturis a discimus) in duobus præsertim officijs consistit, quæ benevolentissimè & frumentosissimè humano generi impendunt. Primum est, quod suas cuin nostris preces & oblationes coniungant: ut nostræ minus dignæ & efficaces, illarum consortio suppleantur & adiumentur; atque ita per hosce gratiosissimos apud Deum patronos tam publicæ, quām
secundum. membra pro hoc. secundum pri-
a Tob. 3. & 12. Apoc. 5. & 6.

priuatæ causæ, quas Sacerdos cum Deo tractat, magis promoueantur, & feliciores exitus consequantur. Alterum est, quod cum sciant Maiestatem diuinam, seruato hierarchico ordine, interiora per superiora, hominesq; per Angelos gubernare: illius conspectui se stant, parati ad excipiendum & exequendum, quidquid diuina bonitas, auditis Ecclesiæ precibus, ad huius & fidelium bonum imperarit. Nec se solùm promptissimos ad hæc exhibent: sed pro sua erga nos benevolentia, vltro ea prensant, sibiq; committi depositunt, ut hac ratione diuinam misericordiam magis prouocent, & ad nobis benefaciendum inuitent.

Vtriusque igitur officij causa, annuente Numinе, reuolant Angeli in empyreum cēlum, qui ordinariusest locus, ut diuinę glorię manifestandę, ita hisce quoq; officijs per Cēlites obeundis destinatus. Idque tandem est sublime illud & spirituale altare, cuius in hac

ora-

oratione Ecclesia meminit, imitata diuinis literas, quæ nobis in Apocalypsi ^a idem cœlorum penetrale, vbi spirituales orationum victimæ offeruntur, per modum altaris describunt. Modum autem, quo officium illud Angelicum peragitur, nescio an melius exprimere possimus, quam ex S. Chrysostomo ^b, quem aiunt Angelorum conspectu in tremendis hisce mysterijs sæpius fuisse dignatum. Is enim præmisso exemplo hominum Imperatori supplicantium, ramosque olearum prætendentium ad commouendam eius misericordiam & humanitatem, hæc subdit de Angelis: *Pro ramis oleæ ipsum Domini corpus ostendentes rogant pro genere humano, quasi dicant, pro his, Domine, rogamus, quos tu adeo dilexisti, ut pro eorum salute mortem obires &c.*

Ex quibus colligitur Angelum illum, cuius hîc speciatim fit mentio, non esse

^a Apocal. 8. ^b Hom. 3. de incomp.
Dei natur.

Christum Dominum, ut aliqui volunt,
quod *Angelus testamenti, magni q̄, consilij* subinde à Scriptura nominetur:
cùm enim possimus sine incommodo
in significatione propriâ vocem *Angelus*
accipere, non est ad metaphoras
confugiendum. Præterquam quod mi-
nus decet, vt à Christo præsente aliquid
obtenturi, rogemus Patrem, vt eum id
facere iubeat, v.g. nostri misereri: &
par est ratio in præsenti officio. Est ita-
que ex cœlestibus spiritibus aliquis, cui
ex officio incumbat, Sacrificanti ades-
se, eum iuuare ac dirigere, eius preces
Deo offerre: siue sit ipse Angelus custo-
Sacrificantis, siue præses templi, aut al-
taris, siue alijs ad id à Deo constitutus.
Quamuis autem vnicus sit, qui præci-
pue, atque ex officio id agat: credibile
tamen est, eum haud incomitatum le-
gationem obire, alijs in descenden-
tium locum ad Christi venerationem
& obsequium è cœlo delabentibus: ne-
que enim vñquam vltro citroq; com-
mean-

meantibus Angelis mystica vacat sca-
la , quam initio vidimus ad altare ere-
ctam.

Finis porrò huius Angelicæ missio-
nis explicatur in Canone hisce verbis:
*Ut quotquot ex hac altaris participatio-
ne sacrosanctum Filij tui Corpus & San-
guinem sumpserimus , omni benedictio-
ne cœlesti & gratiâ repleamur.* Additur
clausula , *Per Christum Dominum no-
strum: hic enim est, in quo Pater, ut te-
statur Apostolus a, omni nos benedictio-
ne spirituali in cœlestibus benedit.*
Conuenit verò, vt à Consecratione ad
Communionem , quoties Christi fit
mentio , eius præsentis ratio singulari
affectioni habeatur: affectu, inquam, nam
in gestu corporis seruandæ rubricæ,
quæ non nisi in oratione sequenti
ad similem clausulam capitilis
inclinationem præ-
scribunt.

a Ephes.1.

§. IV.